

Cofrestriadau dros dro ar gyfer arholiadau Haf 2022 yng Nghymru:

TGAU, UG, Safon Uwch a Thystysgrif Her Sgiliau

20 Mai 2022


Ynglŷn â'r datganiad hwn

Mae'r datganiad ystadegau swyddogol hwn yn rhoi gwybodaeth am nifer y cofrestriadau dros dro ar gyfer arholiadau yng Nghymru ar gyfer cyfres haf 2022. Mae'r datganiad yn cynnwys cofrestriadau TGAU, UG, Safon Uwch a'r Dystysgrif Her Sgiliau ar gyfer canolfannau yng Nghymru. Cyflwynwyd y data i ni gan gyrrff dyfarnu erbyn 21 Ebrill cyn cyfres haf 2022.

Mae sawl ffactor a all ddylanwadu ar pam y gallai cofrestriadau ar gyfer grwpiau blwyddyn newid dros amser. Mae rhagor o wybodaeth am hyn i'w chael yn y [nodiadau cefndir](#).

Haf 2022 yw'r gyfres haf gyntaf lle bydd dysgwyr yn sefyll arholiadau TGAU, UG a Safon Uwch ers 2019. Yn 2020 a 2021, cafodd graddau eu pennu gan ganolfannau. Bydd y gwahanol ddulliau hyn o ddyfarnu graddau wedi effeithio ar ffigurau cofrestru yn y datganiad hwn, yn ogystal ag aflonyddwch arall oherwydd pandemig COVID-19.

Ffigur 1: Cofrestriadau TGAU yr haf




Gostyngodd cyfanswm y cofrestriadau TGAU 5.1% yn haf 2022 o'i gymharu â haf 2021.

Mae cofrestriadau haf 2022 4.2% yn uwch na 2019, yr haf diwethaf y cynhaliwyd arholiadau.

Ffynhonnell: Cyrrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Ffigur 2: Cofrestriadau UG a Safon Uwch yr Haf



Gostyngodd cofrestriadau UG 8.5% yn haf 2022 o gymharu â haf 2021. Cynyddodd nifer y cofrestriadau Safon Uwch 0.5%.

Mae cofrestriadau UG 4.0% yn is nag yn 2019, yr haf diwethaf y cynhaliwyd arholiadau, tra bod cofrestriadau Safon Uwch 11.5% yn uwch nag yn 2019.


Ffynhonnell: Cyrrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Dolenni Cyflym	TGAU	UG	Safon Uwch	Y Dystysgrif Her Sgiliau	Nodiadau Cefndir
Ystadegydd	John Fuery	01633 373250		ystadegau@cymwysteraucymru.org	
Ymholiadau gan y cyfryngau		01633 373 222		wasg@cymwysteraucymru.org	

Ystadegau

Cofrestriadau TGAU

Ffigur 3: Cyfanswm cofrestriadau TGAU yn ôl grŵp blwyddyn



Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

- Gwnaed 318,590 o gofrestriadau TGAU ar gyfer haf 2022. Mae hyn wedi gostwng 5.1% o'i gymharu â'r cofrestriadau TGAU ar gyfer haf 2021.
- O'i gymharu â 2019, yr haf diwethaf i ddysgwyr sefyll arholiadau, mae nifer y cofrestriadau yn 2022 wedi cynyddu 4.2%.
- Dysgwyr Blwyddyn 11 yw'r rhai mwyaf tebygol o gofrestru ar gyfer TGAU yn yr haf, gan gyfrif am 86.9% o gyfanswm y cofrestriadau TGAU yr haf hwn. Bu gostyngiad o 5.7% yn nifer y cofrestriadau Blwyddyn 11 yr haf hwn o gymharu â haf 2021.
- Cafwyd 29,230 o gofrestriadau gan ddysgwyr Blwyddyn 10 yn haf 2022. Mae hyn yn gynydd o 5.3% o'i gymharu â'r haf diwethaf, pan oedd 27,750.
- Roedd cofrestriadau Blwyddyn 10 yn cyfrif am 9.2% o'r holl gofrestriadau TGAU yr haf hwn, i fyny o 8.3% yr haf diwethaf a 5.3% yn 2019.
- Gostyngodd nifer y cofrestriadau Blwyddyn 12 neu uwch yr haf hwn, sy'n cynnwys 3.8% o gyfanswm y cofrestriadau TGAU.

Cymwysterau TGAU cymeradwy


Mae cymwysterau TGAU cymeradwy yn gymwysterau a gynigir gan CBAC a gynlluniwyd yn benodol ar gyfer dysgwyr yng Nghymru.

Roedd 96.3% o gyfanswm cofrestriadau TGAU haf 2022 ar gyfer cymwysterau TGAU cymeradwy. Roedd gweddill cofrestriadau TGAU yr haf hwn ar gyfer cymwysterau a gynlluniwyd i'w defnyddio'n bennaf yn Lloegr, a rhai cymwysterau TGAU TGCh CBAC (gweler yr adran ar ddiwygio cymwysterau yn y [Nodiadau Cefndir](#)).

TGAU Cam 1

Roedd nifer y cofrestriadau TGAU cam 1 a gymeradwywyd yn cyfrif am 44.6% o gyfanswm y cofrestriadau TGAU ar gyfer haf 2022.

Ffigur 4: Cofrestriadau TGAU cam 1 cymeradwy yn ôl grŵp blwyddyn



Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Tabl 1: Cofrestriadau TGAU cam 1 cymeradwy yn ôl pwnc

Pwnc	2022	2021	2020	2019
Saesneg Iaith	35,690	38,190	37,665	36,270
Llenyddiaeth Saesneg	31,650	34,770	28,185	29,055
Mathemateg	35,665	38,405	34,960	34,570
Mathemateg - Rhifedd	28,810	35,010	24,645	24,695
Cymraeg Iaith	5,910	5,925	5,430	5,220
Llenyddiaeth Gymraeg	4,290	4,195	3,735	3,695
Cyfanswm	142,020	156,500	134,615	133,500

Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Gostyngodd cyfanswm y cofrestriadau ar gyfer TGAU cam 1 cymeradwy 9.3% i 142,020 o gofrestriadau yn ystod haf 2022. O'i gymharu â 2019, yr haf diwethaf y cynhaliwyd arholiadau, mae cyfanswm y cofrestriadau ar gyfer TGAU cam 1 cymeradwy wedi cynyddu 6.4%. O'i gymharu â Haf 2021, gwelwyd gostyngiad yn nifer y cofrestriadau TGAU cam 1, gyda dim ond Llenyddiaeth Gymraeg yn dangos cynnydd o 2.3%. O'i gymharu â 2019, mae nifer y cofrestriadau ym mhob pwnc cam 1 cymeradwy ac eithrio Saesneg laith wedi cynyddu.

Mae cofrestriadau Blwyddyn 11 mewn TGAU cam 1 cymeradwy wedi gostwng ym mhob pwnc ar wahân i Llenyddiaeth Gymraeg sydd wedi gweld cynnydd o 2.4% o gymharu â haf 2021. Mae nifer y cofrestriadau ym Mlwyddyn 12 wedi gostwng ym mhob pwnc o'i gymharu â haf 2021 a 2019. Gall y gostyngiad yn nifer y cofrestriadau o Flwyddyn 12 ac uwch fod o ganlyniad i [ganlyniadau uwch nag arfer yn haf 2020 a haf 2021](#), gan arwain at lai o ddysgwyr yn ailsefyll mewn addysg ôl-16. Mae newidiadau o flwyddyn i flwyddyn ar gyfer cofrestriadau Blwyddyn 11 yn debygol o fod wedi'u heffeithio gan gynnydd yn y boblogaeth (gweler [dylanwadau allanol](#)). Mae'n bosibl bod patrymau cofrestru ar gyfer rhai o'r cymwysterau hyn hefyd wedi cael eu heffeithio gan newidiadau mewn cofrestriadau ar gyfer [cyfres arholiadau mis Tachwedd](#).

Mae dadansoddiad pellach ar gyfer Saesneg, Llenyddiaeth Saesneg, Mathemateg a Mathemateg – Rhifedd wedi'i gynnwys yn y [dadansoddiad o bynciau TGAU â chofrestriadau mwy](#).

Iechyd a Gofal Cymdeithasol a Gofal Plant

Yn dilyn ein [hadolygiad o gymwysterau Iechyd a Gofal Cymdeithasol](#), dyfarnwyd cymwysterau TGAU cymeradwy newydd mewn Iechyd a Gofal Cymdeithasol a Gofal Plant am y tro cyntaf yn haf 2021. Cafwyd 4,770 o gofrestriadau ar gyfer y TGAU Gradd Unigol yn haf 2022, cynnydd o 44.1%, a 260 o gofrestriadau ar gyfer y TGAU Dwyradd, gostyngiad o 36.6%.


Yr Amgylchedd Adeiledig

Mae Uned 1 o'r TGAU Amgylchedd Adeiledig cymeradwy newydd yn cael ei hasesu am y tro cyntaf yr haf hwn, ond ni fydd y cymhwyster yn cael ei ddyfarnu am y tro cyntaf tan haf 2023 ac felly nid yw wedi'i gynnwys yn y datganiad hwn.

Cofrestriadau TGAU cymeradwy yn ôl pwnc

Mae Ffigur 5 yn cymharu cyfanswm y cofrestriadau TGAU a gymeradwywyd yn yr haf ar gyfer 2022, 2021 a 2019 yn ôl pwnc.

Ffigur 5: Cyfanswm cofrestriadau TGAU yn haf 2022 wedi'u dadansoddi yn ôl pwnc



Fynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Gwelwyd cynnydd mewn cofrestriadau mewn 11 o bynciau yn haf 2022 o gymharu â haf 2021; gwelodd 21 ostyngiad yn nifer y cofrestriadau. Roedd y gostyngiadau mwyaf o ran nifer y cofrestriadau mewn Mathemateg - Rhifedd gyda 6,195 yn llai o gofrestriadau, a Llenyddiaeth Saesneg gyda 3,120 yn llai o gofrestriadau. Y gostyngiadau cyfrannol mwyaf oedd gostyngiad o 36.6% mewn cofrestriadau ar gyfer Iechyd a Gofal Cymdeithasol, a Gofal Plant (Dwyradd) a gostyngiad o 29.1% yn nifer y cofrestriadau ar gyfer Astudiaethau Crefyddol (Cwrs Byr). Roedd y cynnydd mwyaf o ran nifer y cofrestriadau ar gyfer Iechyd a Gofal Cymdeithasol, a Gofal Plant (Gradd Unigol) gyda 1,460 yn fwy o gofrestriadau, a Bioleg gyda 600 yn fwy o geisiadau.

O'i gymharu â 2019, yr haf diwethaf y cynhaliwyd arholiadau, gwelodd 22 o bynciau gynnydd mewn cofrestriadau tra bod 10 wedi gweld gostyngiad. Y gostyngiadau mwyaf o ran nifer y cofrestriadau o 2019 oedd gostyngiad o 4,170 o gofrestriadau ar gyfer Gwyddoniaeth (Dyfarniad Dwbl) a gostyngiad o 2,825 o gofrestriadau ar gyfer Astudiaethau Crefyddol (Cwrs Byr). Roedd y cynnydd mwyaf o ran nifer y cofrestriadau o'i gymharu â 2019 mewn Mathemateg - Rhifedd a gynyddodd 4,115 o gofrestriadau a Gwyddoniaeth Gymhwysol (Dyfarniad Dwbl) gyda 3,095 yn fwy o gofrestriadau.


Y 5 pwnc TGAU uchaf o ran cofrestriadau yn ôl grŵp blwyddyn

Fel y dangosir yn ffigur 5, y pum pwnc TGAU oedd â'r nifer fwyaf o gofrestriadau yn haf 2021 oedd Gwyddoniaeth: Dyfarniad Dwbl, Saesneg, Mathemateg, Llenyddiaeth Saesneg, a Mathemateg: Rhifedd. Mae'r adran hon yn edrych yn fanylach ar y pynciau hyn. Mae'r ffigurau yn yr adran hon yn cynnwys pob cymhwyster TGAU o fewn y pwnc, nid dim ond y cymwysterau TGAU cymeradwy.

Gwyddoniaeth: Dyfarniad Dwbl

Mae cofrestriadau ar gyfer cymwysterau Gwyddoniaeth: Dyfarniad Dwbl yn cael eu cyfrif fel dau gofnod yn y datganiad hwn oherwydd bod maint y cymhwyster gyfwerth â dau gymhwyster TGAU. Mae hyn yn gyson â sut y bydd data ar gyfer y grŵp pwnc 'Gwyddoniaeth: Dyfarniad Dwbl' yn cael ei adrodd mewn man arall.

Ffigur 6: Cofrestriadau TGAU Gwyddoniaeth: Dyfarniad Dwbl yn ôl grŵp blwyddyn




Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Roedd gan TGAU Gwyddoniaeth: Dyfarniad Dwbl 41,840 o gofrestriadau ar gyfer haf 2022, 0.9% yn llai na'r haf blaenorol a 2.9% yn llai nag yn haf 2019. Mae cofrestriadau gan ddysgwyr Blwyddyn 11 yn parhau i gyfrif am y mwyafrif (99.3%) o gofrestriadau ar gyfer Gwyddoniaeth: Dyfarniad Dwbl.

TGAU Mathemateg

Roedd gan TGAU Mathemateg yr ail nifer fwyaf o gofrestriadau TGAU dros dro yn haf 2022, gyda chyfanswm o 35,870 o gofrestriadau.

Ffigur 7: Cofrestriadau TGAU Mathemateg yn ôl grŵp blwyddyn




Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, 2018 ac yn ddiweddarach - Cymwysterau Cymru; 2017 - Ofqual

Gostyngodd cyfanswm y cofrestriadau ar gyfer TGAU Mathemateg yn haf 2022 7.3% o gymharu â haf 2021. Gostyngodd nifer y cofrestriadau gan ddysgwyr ym mhob grŵp blwyddyn, ond o gymharu â 2019, sef yr haf diwethaf y cynhaliwyd arholiadau, mae cofrestriadau Blwyddyn 10 wedi cynyddu 78.2% a chofrestriadau Blwyddyn 11 wedi cynyddu 4.8%. Yn 2022 mae cofrestriadau gan ddysgwyr ym Blwyddyn 11 yn cyfrif am 81.0% o gofrestriadau TGAU Mathemateg o gymharu ag 80.0% yn 2021 a 79.2% yn 2019.

TGAU Saesneg

Ffigur 8: Cofrestriadau TGAU Saesneg yn ôl grŵp blwyddyn




Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Roedd 36,165 o gofrestriadau ar gyfer TGAU Saesneg yn haf 2022, gostyngiad o 6.5% o gymharu â haf 2021. Roedd 39.4% yn llai o gofrestriadau Blwyddyn 10 yr haf hwn o'i gymharu â 2021. Fodd bynnag, mae mwy na 3.5 gwaith cymaint o gofrestriadau Blwyddyn 10 yn Haf 2022 nag yn 2019, yr haf diwethaf y cynhaliwyd arholiadau. Mae cofrestriadau Blwyddyn 11 yn cyfrif am 84.9% o gyfanswm y cofrestriadau eleni o'i gymharu ag 81.8% y llynedd.

TGAU Llenyddiaeth Saesneg

Ffigur 9: Cofrestriadau TGAU Llenyddiaeth Saesneg yn ôl grŵp blwyddyn




Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, 2018 ac yn ddiweddarach - Cymwysterau Cymru; 2017 - Ofqual

Cyfanswm nifer y cofrestriadau ar gyfer TGAU Llenyddiaeth Saesneg oedd 31,860, gostyngiad o 9.5% o gymharu â haf 2021. Roedd hyn o ganlyniad i ostyngiadau ym mhob grŵp blwyddyn ar wahân i gofrestriadau Blwyddyn 10, a gynyddodd 12.5% yr haf hwn. Gostyngodd nifer y cofrestriadau Blwyddyn 11 27.8%. O'i gyfuno â'r cofrestriadau mwyaf ym Blwyddyn 10, mae hyn yn golygu bod cyfran Blwyddyn 11 o gyfanswm y cofrestriadau wedi gostwng o 53.8% i 42.9%. O'r pum TGAU uchaf yn haf 2022, y pwnc hwn sydd â'r nifer fwyaf o gofrestriadau gan ddysgwyr ym Blwyddyn 10 ac is.

TGAU Mathemateg: Rhifedd

Mathemateg: Rhifedd oedd â'r pumed nifer uchaf o gofrestriadau dros dro gyda 28,810 o gofrestriadau.

Ffigur 10: Cofrestriadau TGAU Mathemateg Rhifedd yn ôl grŵp blwyddyn




Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, 2018 ac yn ddiweddarach - Cymwysterau Cymru; 2017 - Ofqual

Gostyngodd nifer y cofrestriadau Mathemateg: Rhifedd 17.7% o 2021, o ganlyniad i ostyngiad o 20.0% yn nifer y cofrestriadau ym Mlwyddyn 11 a gostyngiad o 21.6% yn nifer y cofrestriadau ym Mlwyddyn 12 ac uwch. Dysgwyr Blwyddyn 11 yw 79.3% o'r cofrestriadau yn y pwnc hwn o'i gymharu ag 81.6% yn 2021 ac 86.2% yn 2019, sef yr haf diwethaf y cynhaliwyd arholiadau. Mae cyfran y cofrestriadau gan ddysgwyr Blwyddyn 10 ac iau yn 2022 fwy na dwywaith yr hyn ydoedd yn 2019.

Cofrestriadau safon UG

Ffigur 11: Cyfanswm cofrestriadau safon UG yn ôl grŵp blwyddyn



Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, 2018 ac yn ddiweddarach - Cymwysterau Cymru; 2017 - Ofqual

- Cafwyd 39,970 o gofrestrïadau safon UG yn haf 2021 yng Nghymru, 8.5% yn llai nag yn haf 2021 a 4.0% yn llai nag yn 2019, yr haf diwethaf y cynhaliwyd arholiadau.
- Roedd haf 2015 i haf 2019 yn gyfnod o ostyngiad blynyddol cyson yn nifer y cofrestriadau UG yng Nghymru, i lawr o 57,030 o gofrestrïadau yn haf 2015, ond mae'r duedd hon wedi bod yn gwrthdroi dros y ddwy flynedd ddiwethaf. Fodd bynnag, mae pandemig COVID-19 yn gwneud cymharu blynyddoedd mwy diweddar â data hanesyddol yn llai dibynadwy gan fod yr amgylchiadau ar gyfer dysgwyr bellach yn wahanol iawn ac mae patrymau cofrestru wedi newid oherwydd hyn.
- Cafwyd 37,150 o gofrestrïadau gan ddysgwyr Blwyddyn 12, gan gyfrif am 92.9% o'r holl gofrestrïadau. Mae hyn bron yr un fath â'r gyfran yn 2021, ond mae'n gyfran llawer mwy nag yn 2019 pan oedd 76.5% o'r cofrestriadau gan ddysgwyr Blwyddyn 12.
- Mae cofrestriadau UG gan ddysgwyr Blwyddyn 12 yn 2022 yn is na 2021 ond yn uwch na 2019. Gall hyn fod yn gysylltiedig â chanlyniadau TGAU uwch nag arfer yn 2021 o'i gymharu â chanlyniadau TGAU carfan UG 2019.
- Mae nifer y cofrestriadau gan ddysgwyr Blwyddyn 13 wedi parhau i ostwng, gan ddisgyn 10.1% rhwng haf 2022 a haf 2021 a 76.1% rhwng haf 2022 a haf 2019. Gall hyn fod oherwydd canlyniadau uwch na'r arfer yn haf 2020 a 2021, gan arwain at lai o ddysgwyr yn ailsefyll yn 2022.
- Mae sawl ffactor sy'n gallu chwarae rhan mewn newidiadau o flwyddyn i flwyddyn mewn cofrestriadau (gweler [dylanwadau allanol](#)).


UG cymeradwy

Mae UG cymeradwy yn gymwysterau a gynigir gan CBAC a luniwyd yn benodol ar gyfer dysgwyr yng Nghymru. Roedd 98.7% o gyfanswm cofrestriadau UG haf 2022 ar gyfer cymwysterau cymeradwy. Nid yw'r adran hon yn cynnwys cofrestriadau ar gyfer UG a ddatblygwyd i'w defnyddio'n bennaf yn Lloegr a ddarperir gan gyrrff dyfarnu eraill (gweler [diwygiadau i gymwysterau](#)).

Cyfanswm cofrestriadau haf UG cymeradwy yn ôl pwnc

Mae Ffigur 12 yn cymharu cyfanswm y cofrestriadau UG a gymeradwywyd yn yr haf ar gyfer 2022, 2021 a 2019 yn ôl pwnc.

Ffigur 12: Cyfanswm cofrestriadau UG yn ôl pwnc



Gwelwyd cynnydd mewn cofrestriadau mewn wyth pwnc yn haf 2022, tra bod 23 wedi gweld gostyngiad yn nifer y cofrestriadau o gymharu â'r llynedd. O gymharu â 2019, y flwyddyn ddiwethaf y cynhaliwyd arholiadau, mae gan 13 o bynciau fwy o gofrestrïadau ac mae gan 18 lai o gofrestrïadau. Mae'r pum pwnc uchaf yn 2022 yr un fath ag yn 2021, gyda Mathemateg yn y safle uchaf a Bioleg, Seicoleg, Cemeg a Hanes yn yr ail i'r pumed safle. Roedd y cynnydd cyfrannol mwyaf mewn cofrestriadau mewn Cyfrifiadureg gyda chynnydd o 38.5% ar ffigurau 2021. Cymraeg Iaith sydd â'r gostyngiad cyfrannol mwyaf o 30.2%, er gan fod hwn yn bwnc sydd â nifer gymharol fach o gofrestrïadau, mae hyn yn ostyngiad o 85 o gofrestrïadau mewn termau real. Roedd y gostyngiad mwyaf yn nifer y cofrestriadau mewn Hanes, gyda 590 yn llai o gofrestrïadau.


O'i gymharu â 2019, yr haf diwethaf y cynhaliwyd arholiadau, y gostyngiad cyfrannol mwyaf mewn cofrestriadau oedd mewn Astudiaethau Crefyddol gyda gostyngiad o 37.9%. Addysg Gorfforol sydd â'r cynnydd cyfrannol mwyaf o'i gymharu â haf 2019, gyda chynnydd o 28.1%.

Iechyd a Gofal Cymdeithasol a Gofal Plant

Yn dilyn ein [hadolygiad o gymwysterau Iechyd a Gofal Cymdeithasol](#), dyfarnwyd cymhwyster UG cymeradwy newydd mewn Iechyd a Gofal Cymdeithasol a Gofal Plant am y tro cyntaf yn haf 2021. Cafwyd 995 o gofrestrïadau ar gyfer y cymhwyster hwn yr haf hwn o'i gymharu ag 885 o gofrestrïadau yn haf 2021. Roedd 83.8% o'r cofrestriadau hyn gan ddysgwyr Blwyddyn 12 yn Haf 2022.

Cofrestriadau Safon Uwch

Ffigur 13: Cyfanswm cofrestriadau Safon Uwch yn ôl grŵp blwyddyn



Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, 2018 ac yn ddiweddarach - Cymwysterau Cymru; 2017 - Ofqual

- Cafwyd 36,310 o gofrestrïadau Safon Uwch ar gyfer haf 2022, 0.5% yn fwy nag yn haf 2021.
- Dyma'r ail flwyddyn yn olynol i gofrestrïadau gynyddu, yn dilyn nifer o flynyddoedd o ostyngiadau blynyddol a dyma'r nifer uchaf o gofrestrïadau Safon Uwch a welwyd yng Nghymru ers 2016, pan [adroddodd Ofqual fod 37,640 o gofrestrïadau yng Nghymru](#). Mae pandemig COVID-19 wedi cael effaith fawr ar brofiad dysgwyr mewn addysg felly mae hyn yn ei gwneud yn anodd cymharu blynyddoedd mwy diweddar â data hanesyddol yn ystyrllon.
- Roedd y rhan fwyaf o'r cynnydd yn deillio o gofrestrïadau gan ddysgwyr Blwyddyn 13, a gynyddodd 4.4% o gymharu â'r haf diwethaf, gan gyfrif am 92.2% o holl gofrestrïadau Safon Uwch yr haf hwn. Gallai hyn fod o ganlyniad i ganlyniadau UG uwch nag arfer yn 2021.
- Mae nifer y cofrestriadau Blwyddyn 14 ac uwch wedi gostwng 32.8% rhwng haf 2022 a haf 2021.
- O'i gymharu â'r haf diwethaf y cynhaliwyd arholiadau, sef 2019, mae nifer y cofrestriadau wedi cynyddu 11.5%, wedi'u gyrru gan gynnydd o 5.5% a 18.9% yn nifer y cofrestriadau ym Mlwyddyn 12 a Blwyddyn 13 yn y drefn honno. Mae nifer y cofrestriadau ar gyfer dysgwyr Blwyddyn 11- a Blwyddyn 14+ wedi gostwng 46.7% a 40.2% ers 2019 yn y drefn honno.
- Mae nifer o ffactorau a all gyfrannu at y newidiadau hyn mewn cofrestriadau (gweler [dylanwadau allanol](#)).


Cofrestriadau Safon Uwch cymeradwy

Mae Safon Uwch cymeradwy yn gymwysterau a gynigir gan CBAC a luniwyd yn benodol ar gyfer dysgwyr yng Nghymru. Roedd 93.4% o gyfanswm cofrestriadau Safon Uwch haf 2022 ar gyfer cymwysterau cymeradwy. Nid yw'r adran hon yn cynnwys cofrestriadau ar gyfer Safon Uwch a ddiwygiwyd i'w defnyddio'n bennaf yn Lloegr a ddarperir gan gyrrff dyfarnu eraill (gweler [diwygiadau i gymwysterau](#)).

Cyfanswm cofrestriadau haf Safon Uwch cymeradwy yn ôl pwnc

Mae Ffigur 14 yn cymharu cyfanswm y cofrestriadau Safon Uwch a gymeradwywyd yn yr haf ar gyfer 2022, 2021 a 2019 yn ôl pwnc.

Ffigur 14: Cyfanswm cofrestriadau Safon Uwch cymeradwy yn ôl pwnc



Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

Gwelwyd cynnydd yn nifer y cofrestriadau mewn 15 pwnc Safon Uwch yn haf 2022 o gymharu â'r llynedd. Gostyngodd nifer y cofrestriadau mewn 14 maes pwnc. Mae'r cynnydd cyfrannol mwyaf mewn Hanes (16.8%), a'r Gyfraith (14.1%). Roedd y gostyngiad cyfrannol mwyaf mewn Almaeneg (27.7%). Oherwydd nifer cymharol isel o gofrestrïadau mewn Almaeneg, mae'r gostyngiad cyfrannol mawr hwn yn cynrychioli 20 cofrestriad gwirioneddol. Y gostyngiad mwyaf yn nifer y cofrestriadau oedd gostyngiad o 255 yn nifer y cofrestriadau mewn Llenyddiaeth Saesneg.

Yn haf 2022 y pum pwnc uchaf ar gyfer Safon Uwch yw Mathemateg, Bioleg, Seicoleg, Cemeg a Hanes. Mae hyn yn cyfateb i'r pum pwnc uchaf yn 2021 er bod Cemeg a Seicoleg wedi newid lleoedd. Yn 2019 roedd Mathemateg a Bioleg yn gyntaf ac yn ail gyda Hanes yn drydydd, Cemeg yn bedwerydd a Seicoleg yn bumed.


Wrth gymharu â 2019, yr haf diwethaf y cynhaliwyd arholiadau, y pynciau â'r cynnydd cyfrannol mwyaf oedd Seicoleg (48.9%) a'r Gyfraith (39.8%). Roedd y gostyngiadau cyfrannol mwyaf mewn Almaeneg (25.4%) a Ffrangeg (20.0%).

Iechyd a Gofal Cymdeithasol a Gofal Plant

Yn dilyn ein [hadolygiad o gymwysterau Iechyd a Gofal Cymdeithasol](#), caiff cymhwyster Safon Uwch cymeradwy newydd mewn Iechyd a Gofal Cymdeithasol a Gofal Plant ei ddyfarnu am y tro cyntaf yn haf 2022. Cafwyd 700 o gofrestrïadau ar gyfer y cymhwyster hwn yr haf hwn ac roedd 90.9% o'r cofrestriadau hyn gan ddysgwyr Blwyddyn 13.

Tystysgrif Her Sgiliau Bagloriaeth Cymru

Ffigur 15: Cofrestriadau'r Dystysgrif Her Sgiliau dros amser



Ffynhonnell: Cyrff dyfarnu - Casgliad Cofrestriadau yn ôl Grŵp Blwyddyn, Cymwysterau Cymru

- Gostyngodd cyfanswm cofrestriadau Tystysgrif Her Sgiliau 4.2% yn haf 2022 o gymharu â haf 2021.
- Cafwyd 25,580 o gofrestrïadau ar gyfer y Dystysgrif Her Sgiliau Genedlaethol/Sylfaen (CA4) yn haf 2022, i lawr 3.5% o'i gymharu â'r haf diwethaf ac 8.7% o gymharu â 2019. Mae'r rhain yn cyfrif am 97.2% o'r holl gofrestrïadau ar gyfer y Dystysgrif Her Sgiliau yn haf 2022 a 69.9% yn 2019.
- Gwelodd y Dystysgrif Her Sgiliau Uwch 12,505 o gofrestrïadau, i lawr 5.6% o'i gymharu â'r haf diwethaf ond i fyny 4.2% o gymharu â haf 20

Nodiadau Cefndir

Cymwysterau Cymru yw rheoleiddiwr cymwysterau nad ydynt yn raddau, a'r system gymwysterau yng Nghymru.

Ar 21 Tachwedd 2017 cymeradwyodd Cynulliad Cenedlaethol Cymru y [Gorchymyn Ystadegau Swyddogol \(Cymru\) 2017](#) a enwodd Cymwysterau Cymru yn un o'r cyrff sydd yng nghwmpas y [Ddeddf Ystadegau a'r Gwasanaeth Cofrestru 2007](#). Mae Cymwysterau Cymru yn gweithredu yn unol â [Chod Arfer ar gyfer Ystadegau Swyddogol](#) Awdurdod Ystadegau'r DU ac mae wedi cyhoeddi'r datganiad ystadegol hwn fel Ystadegau Swyddogol.

Ffynhonnell Data

O haf 2018, rydym wedi casglu ac adrodd ar ddata Cymru ar gyfer cymwysterau cyffredinol. Cyn haf 2018, casglwyd a chyhoeddwyd data ar gyfer Cymru gan Ofqual, y rheoleiddiwr cymwysterau yn Lloegr. Casglwyd a chyhoeddwyd data yn y datganiad hwn yn ymwneud â haf 2017 gan Ofqual.

Mae'r cyrff dyfarnu sy'n darparu UG, Safon Uwch, TGAU a'r Dystysgrif Her Sgiliau wedi cyflwyno gwybodaeth i Cymwysterau Cymru am nifer y cofrestriadau ar gyfer pob cymhwyster sydd ar gael yn haf 2022. Mae'r cofrestriadau ar gyfer canolfannau sydd wedi'u lleoli yng Nghymru yn unig, ni waeth pa fath o ganolfan ydynt. Mae'r datganiad hwn yn ymdrin â nifer y cofrestriadau wedi'u dadansoddi yn ôl pwnc ac oedran myfyrwyr yng Nghymru yn seiliedig ar grwpiau blwyddyn ysgol (blwyddyn 11 yw'r flwyddyn academaidd pan ddaw myfyrwyr yn 16 oed).

Roedd y datganiad hwn yn flaenorol yn cynnwys data ar dystysgrifau Lefel 1/Lefel 2. Roedd mwyafrif y data hwn ar gyfer y tystysgrifau Lefel 1/Lefel 2 a gynigir gan Cambridge International. Nid yw'r cymwysterau hyn bellach yn cael eu rheoleiddio gan Cymwysterau Cymru, felly nid ydym bellach yn cynnwys tystysgrifau Lefel 1/Lefel 2 yn y datganiad hwn. Mae data sy'n ymwneud â thystysgrifau Lefel 1/Lefel 2 sy'n dal i gael eu rheoleiddio gan Cymwysterau Cymru i'w gweld yn ein hystadegau Chwarterol Galwedigaethol.

Cyfyngiadau data

Mae gwall posibl yn y wybodaeth a ddarperir gan gyrff dyfarnu. Felly, ni all Cymwysterau Cymru warantu bod y wybodaeth a dderbyniwyd yn gywir. Mae Cymwysterau Cymru yn cymharu'r data dros amser ac yn gwirio am faterion systematig. Cynhelir gweithdrefnau sicrhau ansawdd i sicrhau cywirdeb y data a'i herio neu ei gwestiynu, lle bo angen. Mae Cymwysterau Cymru yn rheoli'r broses hon yn barhaus drwy:

- Sicrhau bod darparwyr data yn glir ynghylch yr hyn sy'n ofynnol ganddynt a'u bod yn cael eu hymgyngori'n llawn yn ystod y cyfnod dylunio cychwynol ac unrhyw gamau newid dilynol;

- Atgoffa pob darparwr (os yw'n briodol) bod yn rhaid i'r holl ddata, fel amod iddynt gael eu rheoleiddio, fod yn gwbl gywir;
- Bod yn effro i newidiadau annisgwyl yn y data a gyflwynir trwy gymharu dychweliadau unigol dros amser gan yr un darparwr;
- Mynd ati yn weithredol i herio unrhyw ganlyniadau annisgwyl gyda'r darparwyr data.

Gellir gohirio'r cyhoeddiad os nad yw'r ystadegau'n cael eu hystyried yn addas i'r diben.

Mae data wedi'i gasglu ar adeg briodol pan fydd yn weddol gyflawn, sef 21 Ebrill 2022 ar gyfer data cyfres haf 2022 yn y datganiad hwn. Fodd bynnag, gall ysgolion barhau i gofrestru'n hwyr hyd at ddata'r arholiad. Am y rheswm hwn, mae teitl y datganiad hwn yn cyfeirio at gofnodion dros dro.

Diwygio Cymhwyster

Yn dilyn [adolygiad Llywodraeth Cymru o gymwysterau ar gyfer dysgwyr 14 i 19 oed](#) yn 2012, mae set newydd o gymwysterau diwygiedig ar gyfer TGAU, UG a Safon Uwch wedi'u cyflwyno yng Nghymru. Mae'r cymwysterau diwygiedig hyn wedi'u cynllunio'n benodol i ddiwallu anghenion dysgwyr yng Nghymru.

Cyflwynwyd y cymwysterau diwygiedig i'w haddysgu gyntaf mewn tri cham. Addysgwyd cymwysterau Cam 1 o fis Medi 2015, Cam 2 o fis Medi 2016 a Cham 3 o fis Medi 2017. Ceir gwybodaeth am y newidiadau hyn, a rhestr o'r pynciau a gynhwyswyd ym mhob cyfnod [ar ein gwefan](#).

Ochr yn ochr â'r diwygiadau yng Nghymru, cyflwynwyd cymwysterau TGAU, UG a Safon Uwch newydd ar gyfer Lloegr hefyd. Mae cymwysterau TGAU, UG a Safon Uwch a ddiwygiwyd ar gyfer Cymru a Lloegr yn parhau i fod yn gyffelyb, maent yr un maint ac yn hygyrch i'r un ystod o ddysgwyr. Fodd bynnag, mae rhai gwahaniaethau dylunio allweddol rhyngddynt. Mae cymwysterau TGAU a ddiwygiwyd ar gyfer Cymru yn parhau i gael graddau A*-G, tra bod cymwysterau TGAU a ddiwygiwyd ar gyfer Lloegr wedi symud i system raddio 9-1. Mae canlyniadau cymwysterau UG a ddiwygiwyd ar gyfer Cymru yn cyfrannu 40% tuag at radd Safon Uwch. Nid yw canlyniadau cymwysterau UG bellach yn cyfrif tuag at y Safon Uwch newydd a gynlluniwyd ar gyfer Lloegr.

Mewn pynciau lle mae TGAU, UG a Safon Uwch wedi'u diwygio ar gyfer Cymru, nid yw cymwysterau a luniwyd ar gyfer Lloegr ar gael i'w defnyddio yng Nghymru ar gyrsiau a ariennir yn gyhoeddus. Mae dwy brif senario lle gallai dysgwyr yng Nghymru sefyll TGAU, UG a Safon Uwch a ddiwygiwyd ar gyfer Lloegr:

- Mae cymwysterau TGAU, UG a Safon Uwch a gynigir mewn pynciau nad ydynt wedi'u diwygio'n benodol ar gyfer Cymru wedi'u dynodi'n gymwys i'w defnyddio ar raglenni dysgu a ariennir yn gyhoeddus.
- Lle na chaiff darpariaeth ei hariannu'n gyhoeddus, megis mewn ysgolion annibynnol, gall canolfannau ddewis cofrestru dysgwyr ar gyfer cymwysterau

sydd wedi'u diwygio ar gyfer Lloegr er bod cymhwyster cyfatebol diwygiedig yng Nghymru.

Yn y datganiad hwn mae'r termau "cymwysterau TGAU cymeradwy/wedi eu cymeradwyo", "cymwysterau UG cymeradwy", a "cymwysterau Safon Uwch cymeradwy", yn cyfeirio at y cymwysterau sydd wedi'u cynllunio'n benodol ar gyfer Cymru, oni nodir yn wahanol.

Mesurau perfformiad

Ym mis Hydref 2017 cyhoeddwyd newidiadau i sut mae Llywodraeth Cymru yn cyfrifo mesurau perfformiad. O haf 2019, dim ond mynediad cyntaf disgybl i arholiad TGAU fydd yn cyfrif tuag at fesurau perfformiad ysgol. Yn flaenorol roedd y radd orau a gyflawnwyd yn cyfrif. Gostyngwyd nifer y slotiau neilltuedig ar gyfer TGAU llythrennedd, rhifedd a gwyddoniaeth o bump i dri, gan adael chwe slot heb eu neilltuo ar gyfer cymwysterau eraill sy'n gymwys ar gyfer cyllid cyhoeddus yng Nghymru. Mae mesurau perfformiad yng Nghymru wedi'u gohirio ar hyn o bryd tan ddiwedd blwyddyn academaidd 2021/2022 oherwydd pandemig COVID-19.

Dylanwadau allanol

Mae nifer o ffactorau a all ddylanwadu ar pam y gallai cofrestriadau ar gyfer grwpiau blwyddyn newid dros amser, er enghraifft newidiadau i:

- maint y boblogaeth;
- ymddygiad cofrestru, e.e. pan fydd dysgwyr yn cael eu cofrestru ar gyfer eu cymwysterau TGAU;
- nifer y cymwysterau o bob math a gymerir ar gyfartaledd, er enghraifft, nifer y lefelau UG sy'n cael eu hastudio;
- y mathau o gymwysterau a gymerir yn y sector ôl-16.

Newidiadau poblogaeth

Yr ystadegau swyddogol diweddaraf sydd ar gael ar boblogaeth Cymru sy'n 16, 17 neu 18 oed yw'r amcanestyniadau poblogaeth [a gyhoeddwyd gan Lywodraeth Cymru](#). Mae'r rhain yn dangos cynnydd o 1.7% ym mhoblogaeth y rhai 18 oed yn 2021 o'i gymharu â 2020, cynnydd o 3.3% yn nifer y rhai 17 oed a chynnydd o 3.8% yn nifer y rhai 16 oed. Gallai'r newidiadau hyn olygu dylanwad cynyddol gan y boblogaeth ar gofrestriadau TGAU, UG a Safon Uwch.

Tabl A: Newidiadau Poblogaeth Cymru

Blwyddyn	16 oed	17 oed	18 oed
2022	36,091	34,882	34,107
2021	34,771	33,755	33,535
Newid (2022 - 2021)	1,320	1,127	572
Newid canrannol ((2022 - 2021) / 2021)	3.8%	3.3%	1.7%

Ffynhonnell: Llywodraeth Cymru

Gan fod y datganiad hwn wedi'i seilio ar nifer y cofrestriadau ar lefel cymhwyster, nid yw'n bosibl i ni fesur effaith ffactorau o'r fath. Rydym wedi gwneud sylwadau ar ffactorau sy'n dylanwadu ar newidiadau mewn cofrestriadau dim ond pan fyddwn yn hyderus bod y ffactorau hyn yn debygol o fod yn gysylltiedig â newid.

Cymariaethau

O 2017/18 ymlaen, cyflwynodd cyrff dyfarnu ddata cymwysterau cyffredinol i Cymwysterau Cymru yn hytrach nag Ofqual. Dylid bod yn ofalus wrth ddehongli cymariaethau â data hanesyddol Ofqual.

Cwmpas daearyddol

Mae'r datganiad hwn yn cyflwyno data ar nifer y cofrestriadau ar gyfer Safon Uwch, UG, TGAU a'r Dystysgrif Her Sgiliau ar gyfer canolfannau yng Nghymru. **Nid** yw'r datganiad hwn yn cynnwys Safon Uwch, UG, TGAU na'r Dystysgrif Her Sgiliau a gymerwyd y tu allan i Gymru.

Diwygiadau

Unwaith y caiff ei gyhoeddi, nid yw data ar nifer y cofrestriadau fel arfer yn destun adolygiad, er y gellir diwygio datganiadau dilynol i fewnosod data hwyr neu gywiro gwall.

Cyflawnder y data

Mae cyrff dyfarnu yn anfon data cofrestru Cymwysterau Cymru ar gyfer yr holl gymwysterau wedi'u rheoleiddio a ddsberthir fel UG, Safon Uwch, TGAU neu'r Dystysgrif Her Sgiliau. Mae Cymwysterau Cymru yn cysylltu ag unrhyw gorff dyfarnu nad yw'n dychwelyd set gyflawn o ddata o fewn y cyfnod casglu, i wneud yn siŵr fod y data mor gyflawn â phosibl.

Talgrynnu a chyfrinachedd

Er mwyn diogelu cyfrinachedd, ac yn unol â pholisi allbynnau ystadegol interim Cymwysterau Cymru, caiff yr holl ffigurau cofrestru eu talgrynnu. Yn y sylwebaeth a'r tablau, cânt eu talgrynnu i'r 5 agosaf. Mae ffigurau llai na 5 ond yn fwy na 0 yn cael eu disodli gan *. Mae hyn er mwyn sicrhau nad yw data yn datgelu ymgeisydd unigol. Mae'r holl ganrannau yn y sylwebaeth wedi'u seilio ar ffigurau gwirioneddol. Mae'r

ffigurau wedi'u talgrynnu'n annibynnol ac felly efallai na fyddant gyda'i gilydd yn symio i'r cyfanswm.

Defnyddwyr yr ystadegau hyn

Mae'r ystadegau hyn yn debygol o fod o ddiddordeb i Cymwysterau Cymru, Ofqual, cyrff dyfarnu, a Llywodraeth Cymru. Rydym yn croesawu adborth gan ddefnyddwyr, felly disgwylwch gael gwell dealltwriaeth o bwy yw ein defnyddwyr dros amser. Mae Cymwysterau Cymru yn defnyddio'r ystadegau hyn i lywio dealltwriaeth o batrymau cofrestru.

Ystadegau a chyhoeddiadau cysylltiedig

Mae nifer o ddatganiadau ystadegol yn ymwneud â'r un hwn, gan gynnwys:

- [Ein datganiad Cofrestriadau dros dro TGAU a Thystysgrifau Lefel 1/Lefel 2 mis Tachwedd ar gyfer Cymru.](#)
- Y datganiad blynyddol '[Canlyniadau'r cyfrifiad ysgolion](#)', a gyhoeddwyd gan Lywodraeth Cymru.
- [Cofrestriadau ar gyfer TGAU, UG a Safon Uwch yn Lloegr.](#)

Gwybodaeth ddefnyddiol

Mae [rhestr o dermau](#) ar gael ar ein gwefan i'ch helpu i ddehongli'r datganiad hwn. Gallwch ddod o hyd i wybodaeth am gyhoeddiadau'r dyfodol ar [wefan Llywodraeth Cymru](#) a'n [gwefan](#). Mae [Cofrestr Cymwysterau yng Nghymru](#) yn rhoi gwybodaeth am gymwysterau cymeradwy a dynodedig sy'n gymwys ar gyfer arian cyhoeddus yng Nghymru.

Diweddariad nesaf

Mai 2023 (dros dro).

Adborth defnyddwyr

Rydym yn croesawu unrhyw adborth ar unrhyw agwedd ar yr ystadegau hyn y gellir ei ddarparu trwy e-bost at ystadegau@cymwysteraucymru.org

© (2022) Rhoddir caniatâd i atgynhyrchu ar yr amod y cyfeirir at Cymwysterau Cymru fel y ffynhonnell wreiddiol.